

Gipuzkoako Aldizkari Ofiziala

175. zenbakia

Data 1988-09-15

4364 orria

UREN UDAL ZERBITZURAKO ERREGELAMENDUA

I.KAPITULUA

XEDAPEN OROKORRAK

1. Artikulua.

Erregelamendu honen xedea Uren Udal Zerbitzutik datorren edateko ura erabili ahal izateko baldintzak arautzea da.

2. Artikulua.

Uren Udal Zerbitzuaren erabiltzaile pertsona natural nahiz juridikoak izan daitezke, hornikuntza sareak, kokaleku, emari eta abarren arabera, eskatutako zerbitzua eskaintzeko aukera ematen badu beti ere.

3. Artikulua.

Uren Udal Zerbitzuak beretzat gordetzen du xedapen bereziak emateko eskubidea, egokitzat jotzen badu, uren garbitasunari erasan liezaioketen erabileretarako probetxamenduak direnean, eskatutako hornikuntza baldintzatuz. Zerbitzuaren funtzionamendu normalari kalte larriak egin liezaizkioketen probetxamenduei ere ezezkoa eman diezaieke.

4. Artikulua.

Uren Udal Zerbitzuaren jectio zuzenerako Udal txit Garaiak hartzen duen modalitateaz aparte, erabiltzaileen eta Udal txit Garaiaren arteko harremana administrazio izaerakoa izango da, horregatik Errejimen Lokala arautzen duten Lege eta Erregelamenduei eta dagokion jurisdikzio kontentzioso-administratiboari atxikirik geratuko dira.

5. Artikulua.

Zerbitzua eskaintzerakoan luxu asmoa bazterturik geratzen da, aurrekontuetan oreka mantentzeko Agintariek onartu eta aurrekontuen autofinantziazioa ahalbideratzen duten tarifak aplikatu behar direlarik, uztailaren 23ko 48/1966 Legeko 18. artikulua ezarritakoarekin bat.

II. KAPITULUA

ZERBITZUA ESKAINTZEA

I. ATALA – Hornikuntza motak.

6. Artikulua.

Uren Udal Zerbitzuak hornitutako urari erabilera hauek eman lekizkieke:

--1. Etxerakoa: elikadura, garbiketa eta abarretarako hornikuntza izango da.

--2. Industriadakoa: sailkapen honen eraginetara industriadakotzat hurrengoetan ematen diren erabilerak hartuko dira:

2.1. Denda, bulego, igerileku, iharduera, ustiapen eta industrietan, erabilitako ura bertako beharrak betetzeko erabiltzen denean, inolako fabrikazio prozesutan parte hartu gabe.

2.2. Iharduera edo ustiapen berarekin zuzenean lotuta ura lehengai edo gai bezala erabiltzen duten industria, iharduera edo ustiapenetan.

2.3 Etxebizitza sailak eta industria pabilioiak eraikitzen edota orohar obrak burutzen diharduten enpreetan.

--3. Bereziak:

3.1 Udal erabilerak, hala nola, kaleko iturriak, bide eta jardinetako ureztaketa, suteetako begiak, udal bulegoak eta abar.

7. Artikulua.

Hornikuntza antolatzeke asmoz lehentasun ordena hau ezartzen da:

1. Etxerako erabilerak.

2. Erabilera bereziak.

3. Industria erabilerak.

4. Igerilekuak

II. ATALA. – Zerbitzuaren kontratazioa

8. Artikulua.

Ur hornikuntzarako eskabideak Udaletzeko bulegoetan espreski egingo dira, eskatzaileak beharrezko zirkunstantziak adierazi behar dituelarik behar den hornikuntzaren ezaugarriak eta izango duen erabilera behar bezala zehaztuta gera daitezen.

9. Artikulua.

Aurreko artikuluan adierazitako eskabidea azterturik eta baiezkua ematea badago, Erregelamendu honetako 2. eta 3. artikuluetan ezarritakoa kontutan hartuz, Zerbitzuetako batzordeak diktamena eman ondoren, Gobernu Batzordeak ematea onartuko du eta horren berri eskatzaileari emango zaio dagokion harpidetza poliza sina dezan.

10. Artikulua.

Ez da inongo ur hornikuntzarik burutuko erabiltzaileak dagokion harpidetza poliza sinatu ez badu.

11. Artikulua.

Kontratuaren iraupena mugagabea izango da eta hautsi egin daiteke erabiltzailearen aldetik, berak hala eskaturik edota Udal txit Garaiaren aldetik, hurrengo artikuluan adierazitako zirkunstantziaren bat ematen bada, 6. artikuluko 2.3. pasartean arautzen diren erabileretarako ez besterako.

12. Artikulua.

Kontratua hausteko kausak honako hauek izango dira:

1. Hornitutako ura hornikuntza eskabidean adierazitako erabilera ez bezalakoa ematea.
2. Instalazioaren ezaugarriak funtsean aldatzea. Udalari aurrez baimena eskatu gabe.
3. Erabiltzaileak obligazio ekonomikoak behin eta berriro ez betetzea.
4. Erregelamendu honetako 71. artikuluan larrizat sailkatutako hutsegiteak behin eta berriro egitea.

13. Artikulua.

Harpidetza poliza baten titularrak edo titularrek inmueblea bota aurretik aurkeztu beharko dute zerbitzuko baja eskabidea.

Baja aurkeztu behar hori edozein kausagatik lokal edo etxebizitza baten okupazioari uzten dioten harpidetza polizen titularrek ere izango dute.

14. Artikulua.

Zerbitzuan baja eman ondoren hornikuntzari berriz ekin ahal izango zaio harpidetza poliza berri bat harpidetzen denean soilik.

III. ATALA. – Hartuneak.

15. Artikulua.

Uren Udal Zerbitzuak kasu bakoitzean finkatuko du eskatutako ura hornitzeko adarra hornikuntza sarearen zein puntutik abiatuko den.

16. Artikulua.

Zerbitzuak berak eskatzailearen kargura eskatutako ura hornitzeko hartuneko adarrean lotura ahalbideratuko duen hartune balbula hornikuntza sarean txertatzea burutuko du.

17. Artikulua.

Aurreko artikuluan aipatzen den pasabide giltza, fabrikako errejistroan kokatua, metalezko estalkiarekin, Uren Udal Zerbitzuari atxikiriko pertsonalak ez beste inork erabili dezake eta ezin dute inolaz ere erabiltzaileek, hirugarren pertsonak eta abarrek erabili.

18. Artikulua.

Hartzea edo hartuneko adarra eskatzaileak burutuko du bere kargura, nahiz eta haren ezaugarriak instalazio mota honetarako ematen diren arauetan ezarritakoen arabekoak izango diren.

Udal Zerbitzuak lanen burutzapena ikuska lezake eta ahalmena du hornikuntzaren hasiera atzeratzeko baldin eta behar bezala burutu ez bada, Zerbitzuan adierazitako akatsak konpontzen ez diren bitartean.

Hartune bakoitzean, behin lokal edo edifizioaren barruan sartuz gero, pasabide giltza bat aurreikusi beharko da, erabiltzaileak erabili ahal dezan beharrezko gertatuz gero.

19. Artikulua.

Hartzeak edo hartuneko adarrak erabiltzaileen jabetzakoak geratuko dira eta horiek erantzungo dute kontserbazioaz eta gerta litezkeen matxurez, baita funtzionamendu txarragatik sor daitezkeen kalte guztiez.

20. Artikulua.

Finka bakoitzeko hartze edo hartuneko adar bakarra eraikiko da eta horrek hornikuntzaren gai den finkarentzat ez besterentzat balioko du. 22. artikuluan adierazitako salbuespen bakarrarekin.

21. Artikulua.

Harpidetza poliza sinatu aurretik hornikuntzaren eskatzaileak kasu jakin bakoitzean ordaindu behar dituen loturazko eta hornikuntza sare nagusiko partaidetzazko eskubideak hartze edo hartuneko adarraren garrantziaren arabera ezarriko dira.

Arratzaingo urtegiko adarraren hartunea burutzea eskatzen duten erabiltzaileek ur hartuneko tasaz gain hornikuntza adarreko partaidetzazko eskubideengatik 84.717 pzta. ordaindu beharko dituzte. Aportazio hori urtero eguneratuko da KPIa gehitu ahala.

22. Artikulua.

Baldin eta ur hornikuntzarako eskabideari erantzuteko ahalmena izanik kontsumitu nahi den puntuaren inguruetan hornikuntza sare nagusirik ez badago, Udalak eskatzaileari esiji diezaioke hartze edo hartuneko adarra eskatutako hornikuntzarako behar-beharrezkoak diren baino dimentsio haundiagokoa eraiki dezala, kasu honetan Udal txit Garaiak inolako kopururik jaso gabe hornikuntza sare nagusian parte hartzeko eskubideengatik, bai ordea lotura eskubideengatik, gainera eraikitako hartune adarra erabili dezake eskatzailearen aldameneko zonetan egon litezkeen hornikuntza berriak betetzeko, beti ere adar horren garraio ahalmena gainditzen ez badu, haren eraikuntzarako Zerbitzuak ezarritako dimentsioen arabera.

23. Artikulua.

Erabiltzaile batek hartune zabalketa bat eskatzen duenean, berekin batera hornikuntzaren erabilera aldatzea ekarri ala ez, ordainduko ditu, dagokion baimena ematen zaionean, hartze edo hartune adar berriari dagozkion lotura eskubide guztiak, baita hartze edo hartu adar berriak lehendik zegoenaren aldean duen tamaina berriari dagokion hornikuntza sare nagusiko partaidetzazko eskubideengatik gehikuntza ere.

24. Artikulua.

Baldin eta ur hornikuntzaren titulartasun aldaketa soilak lotura, hartze edo hartuneko adar berriak burutzea eskatzen ez badu, titular berriak titulartasun aldaketari dagozkion tasak eta exakzioak bakarrik ordaindu beharko ditu eta ez du zerikusirik izango egon litezkeen lotura eskubideekin ez eta hornikuntza sare nagusiko partaidetzakoekin ere.

25. Artikulua.

Etxebizitza edo industria sailen eraikuntzarako nahiz obra orokorretarako ur hornikuntzetan, instalazioa behin behinekoa denez eta normalean funtzionamendualdi laburrekoa eta eraikuntza ezaugarriak, trazadoagatik, burutzapen eragatik eta abarragatik behin betiko hartuneak baino txikiagoak direnez, eskatzaileak fidantza bat utzi beharko du Uren Udal Zerbitzuan, eraiki beharreko etxebizitza kopuruaren, eraiki beharreko industria pabilioiaren zabaleraren edo obra orokorraren tamainaren arabera, instalazio horrek sor litzakeen kalte ordainez erantzuteko eta aldi berean haren behin betikotasuna bermatzeko. Fidantza hori erabiltzaileari itzuliko zaio edo osorik edo dagokion

kopuruan obrak eraikitzeke ur hornikuntza amaitzean eta horretarako Zerbitzuan baja eman ondoren.

26. Artikulua.

Usurbilgo Udalaren aldetik ez da inongo indemnizaziorik emango hartzeak edo hartuneko adarrak aldatu edo zabaldu behar badira Udalak zuzenean eramaten ez dituen obrak burutzeagatik edo udal ekimenarekin zerikusirik ez duen bestelako arrazoiengatik.

IV. ATALA. – Kontagailuak.

27. Artikulua.

Derrigorrezkoa izango da Uren Udal Zerbitzuak burutzen dituen hornikuntza guztietan kontagailuak ezartzea, salburik eta udal erabilera berezietan, bide publikoetan burutzeagatik (ureztaketa eta sute begiak, iturri publikoak eta abar) kontagailuak ezartzeko beharrik ez bait dago.

28. Artikulua.

Kontagailuak erabiltzailearen jabetzakoak izango dira eta bera arduratuko da haien kontserbazioaz eta konponketaz. Modeloak eta dimentsioak Zerbitzuak homologaturik dauzkanen eta horretarako emandako arauen arabekoak izango dira.

29. Artikulua.

Ezarri aurretik kontagailuak Gipuzkoako Industria Ordezkaritzak egiaztatuko ditu eta egiaztatze gastuak erabiltzailearen kontura izango dira.

30. Artikulua.

Martxan ari diren kontagailuen berrikuspena edo egiaztapena Zerbitzuak beharrezkotzat jotzen duenean edo harpidedunak nahi duenean burutuko da. Egiaztapena Zerbitzuak derrigortu duenean eta kontagailua egoera onean dagoenean egiaztapen gastuak Zerbitzuaren kontura izango dira. Gainerako kasuetan gastuak erabiltzailearen kontura izango dira.

31. Artikulua.

Kontagailua funtzionamendu egoera txarrean dagoenean edo kontsumoa gaizki markatzen duenean Uren Udal Zerbitzuak erabiltzaileari hilabeteko epea emango dio erabiltzaileari hura konpondu edo alda dezan, bitartean ur hornikuntza eten gabe.

32. Artikulua.

Kontagailua gaizki dabilela antzematen denetik egoera onera bihurtzen denera bitarteko epean kontsumitu den ura inolako errekar gurik gabe fakturatuko da, kontsumoa estimatuz, oinarriztat aurreko urteko aldi berberari dagokion kontsumoa edo aurreko fakturazioaldia hartuz edo Zerbitzuak eginiko kalkulu hutsez, aurreko aldietarako aforoei buruzko erreferentziarik ezina balitz.

33. Artikulua.

Uren Udal Zerbitzuak erabiltzaileari esiji diezaioke kontagailu berria ezar dezala, inolako erreklamaziorako eskubiderik gabe, dagoenak urtebeteko epean bi matxura baino gehiago jasaten baditu. Kasu horretan eta jabeak kontagailu berria ezartzen ez badu, horretarako hilabeteko epea duelarik, kontsumoa aurreko artikuluaaren arabera egingo da.

34. Artikulua.

31. eta 33. artikuluetan esandako epeak amaiturik ikusitako akatsa konpondu ez bada Uren Udal Zerbitzuak aukeratu egin dezake, bere eritziaren arabera, bi formula hauetako bat:

1. Kontsumoa fakturatu, hura estimatuz, kalkulu oinarritzat 32. artikuluan aipatutakoak hartuz eta prezio normalaren gainean % 100eko errekgua aplikatuz fakturazioko lehenengo aldian, beste % 100ean gehituz joango dena hurrengo fakturazio aldi bakoitzean.

2. Hondatuaren ordeztan kontagailu bat ipini, instalazio gastuak erabiltzailearen kontura izanik, eta horrek gainera fidantza edo gordailu bat utzi beharko du, ipinitako kontagailuak merkatuan duen prezioaren arabera eta haren alokairua ordaindu zerbitzuan dagoen egunetan, harik eta erabiltzaileak bere jabetzako kontagailu bat ipini arte, orduan, Zerbitzuak ipinitakoa kenduz gero, jarritako fidantza itzuliko zaiolarik.

35. Artikulua.

Ur kontagailuak ipini eta kendu Uren Udal Zerbitzuak beste inork ezin dezake egin. Zerbitzuak baimendutako pertsona edo erabundeez ere egin dezakete. Guztiz debekatuta dago beste edozein pertsonak ipinitako kontagailuetan ezer egitea.

36. Artikulua.

Uren Udal Zerbitzuak beretzat gordetzen du bere garaian kontagailuen alokairu zerbitzu bat antolatu eta montatzeko eskubidea, haien kontserbazioa eta konponketa barnean sartuz, aldiko kuota finko bat ordainduz. Kasu honetan erabiltzaileak aukera egin dezake, edo kontagailua bere jabetzako mantendu, Erregelamendu honetan ezarritakoaren arabera, edo Zerbitzuari alokatu, orduan egiaztapen gastuak ordaindu behar dituelarik bai kontagailua ipintzerakoan bai hurrengo ikuskapenetan.

37. Artikulua.

Erregelamendu hau martxan jartzen denez geroztik eraikitako edifikazioetan hurrengo eritzi hauek eplikatu dira ur kontsumoak neurtzeko:

-1. Etxeko erabilerak: Uren Udal Zerbitzuak kasu bakoitzean erabakiko du zer irtenbide hartu honako bi aukera hauen artean:

1.1. Erabiltzaile bakoitzarentzat banakako kontagailuak ezarri, bateria hidraulikoaren sistema erabiliz, Zerbitzuko pertsonalarentzako toki eskuragarri batean kokatua egongo dena, edifizioko hartze edo hartune adarra iristen den tokitik gertu.

1.2. Edifizioko etxebizitza guztientzat kontagailu orokor bakarra ipini, aurreko pasarteetan adierazitako baldintza berberekin.

Ur berozko zerbitzu zentralizatua edo kalefakzio zentrala duten edificioetan hartzen den irtenbideaz aparte kontagailu independente bat ipiniko da besteen antzera kokatua, zerbitzu honetako ur kontsumoa neurtzeko.

-2. Industria erabilerak eta bereziak: Erabiltzaile bakoitzarentzat banakako kontagailuak ipiniko dira, lokal bakoitzean toki eskuragarrian jarriak, edificioeko soto edo beheko solairuetan kokatuak daudenean, bestelako solairutan kokatutako lokalak direnean, berriz, etxeko erabilerako kontagailuen batera hidraulikoentzat adierazitakoaren antzeko moduan zentralizatuak joango direlarik.

38. Artikulua.

Aurreko artikuluan esandako edozein kasutan kontagailu bakoitza pasabidezko bi giltzen artean kokatuko da, 35. artikuluan adierazitako pertsonalak hura erabiltzeko moduan, zerbitzuen gorabeherak galeraztearren.

39. Artikulua

Kontagailu orokor bakarra nahiz batera hidrauliko instalatu aurretik Uren Udal Zerbitzuaren onespena beharko da hartutako xedapenari buruz eta haren ezaugarriei buruz, erabilitako materialaren izaera eta kalitatea zainduz, baita hartutako xedapena ere, honek ekarriko duen kontagailuak eskuratzen eta garbitzen errezak diren tokietan ipiniz, altueragatik edo kokapenagatik zerbitzu horretako pertsonal arduradunak egin behar dituen irakurketak ez eragozteko moduan. Era berean kontagailuak ipintzeko moduak bidea eskaini behar du, behar izanez gero, haiek edo hondatutako atalak erraz aldatu ahal izateko.

40. Artikulua.

Uren Udal zerbitzuko pertsonalak instalazioa martxan jarri aurretik aurreko artikuluan adierazitako eginbeharrak bete diren frogatuko du. Ur hornikuntzari ez zaio ekingo harik eta hartuneko instalazio, kontagailu eta abarri buruz Erregelamendu honek eskatzen dituenak bete edo ikusitako akatsak konpondu arte.

41. Artikulua.

Behin kontagailuak instalatzen eta ipintzen amaituz gero, haiek baimenik gabeko pertsonak erabili ez ditzaten kontagailuetan eta beharrezkotzat jotzen diren elementuetan prezintoak jarriko dira, guztiz debekatuta geratzen delarik prezinto horiek puskatu edo eraldatzea. Istripuz haietakoren bat puskatuko balitz berehala Uren Udal Zerbitzuari jakinaraziko zaio eta horrek hondatutako prezintoak berriz jarriko ditu.

42. Artikulua.

Nolanahi ere, instalazioan beharrezko elementuak aurrikusi beharko dira hornikuntza sarea ur itzulera posibleen aurka babesteko.

V. ATALA. – Ureztaketa begiak.

43. Artikulua.

Baimena ematen da ureztaketa begietatik ura hartzeko, berehalako obra eta lanetarako, hurrengo artikuluetan adierazitakoarekin bat.

44. Artikulua.

Interesatuak baimena eskatu beharko dio Uren Udal Zerbitzuari ureztaketa begietatik ura ateratzeko eta baimena ematen bazaio hargailu bat eskuratuko zaio, kontagailuarekin (normalean orejera deitzen dena), eta fidantza bat utzi behar du ematen zaion materialaz erantzuteko eta gordailu hori itzuliko zaio egoera onean bueltatzen badu eta indarrean dauden tarifen arabera kontsumitutako ur kopurua likitadu ondoren, baita zerbitzuaren erabilera errejimene berezi honetarako indarrean dagoen kanona ere.

45. Artikulua.

Hargailu horiek erabiltzeko baimena dutenak derrigortuta daude hilero Uren Udal Zerbitzuan aurkeztera, kontagailu irakurketak egin daitezten. Obligazio hori beteko ez balitz azken irakurketatik kontsumitutako ur guztia fakturatuko da, prezio normalaren gaineko %100eko errekarguarekin eta emandako baimena eraginik gabe geratuko da.

46. Artikulua.

Hargailuaren erabiltzaileak kontagailua gaizki dabilela ikusiko balu berehala Uren Udal Zerbitzuari jakinaraziko dio, beste batez aldatua izan dadin.

VI. ATALA – Instalazio bereziak.

47. Artikulua.

Edifizio baterako hartze edo hartuneko adarraren presioak gutxienez bere goreneko maila 10 metrotan gainditzen ez duenean, jasoketa sistema bat instalatu beharko da eta horretan ponpaketa gailuek nahitaez ur hartzea deposito laguntzaile batetik egin behar dute, guztiz debekatuta geratzen delarik ura instalazioko hodiedetatik zuzenean hartzea.

48. Artikulua.

Sare publikoko ura erabiltzen duten hozketa eta aire girotzeko sistema guztiak erretentzio balbulaz hornitu beharko dira, ur itzulera posibleetarako, gai honi buruz emandako arauetan ikusitako zirkunstantziak ematen direnean.

49. Artikulua.

Sare publikoko ura erabiltzen duten hozketa era aire girotzeko sistema guztiak erretentzio balbulaz hornitu beharko dira, ur itzulera posibleetarako, gai hau arautzen duten arauekin bat.

50. Artikulua.

Fluxoreak dituzten edificzioetan hornikuntzaren eskatzaileak frogatu beharko du haien funtzionamenduak ez dituela gainerako hargailuak eragiten, bestela beharrezko neurriak hartuko ditu akats hori konpontzeko.

Edozein kasutan fluxorren instalazioa horretarako ematen diren arauak egokituko zaie.

51. Artikulua.

Uren Udal Zerbitzuaren bitartez hornitzen diren piztina guztiek, publiko nahiz pribatuek, birzirkulazio sistema bat eduki beharko dute, ura behar ez denean kontsumitzea galeraztearren, erretentzio balbula bat edukiz, ur itzulera posibleak ebitatzeko.

VII. ATALA – Hornikuntzaren baldintza orokorrak.

52. Artikulua.

Erabiltzaileentzako ur hornikuntza amaigabea izango da, hurrengo artikuluan ikusitako kasuetan ezik.

53. Artikulua.

Hurrengo kasuetan hornikuntza moztea edo etetea zurituta dagoela uste da:

1. Matxura Zerbitzuko instalazioaren batean, hornikuntza ezinezko gertatzen denean.
2. Uraren emana, bilteta edo presio eskasa dakarren emariaren galtzea edo gutxitzea.
3. Populazioa gehitzea, dagoen emanaren eta kontsumo beharren artean desoreka sortarazten duena, amanaren gehitzea gertatu bitartean.
4. Hornikuntzaren beraren baldintzak hobetzeko beharrezkoak diren instalazioak konpondu edo hobetzeko obrak burutzea.

Kasu hauek ez dute inolako indemnitaziorik ekarriko.

54. Artikulua.

Uren Udal Zerbitzuak ez du erantzungo erabiltzaileen barne instalazioetan sor daitezkeen kalteez, ur hornikuntza faltagatik, ixteagatik, puskatzeagatik edo presioa gehitu edo gutxitzeagatik.

55. Artikulua.

Erabiltzaileek Uren Udal Zerbitzuari jakinarazi beharko diote hornikuntzan ikusten duten edozein eten, eskasia edo irregulartasun, 53.artikuluan aipatutako kausaren bategatik ez bada, beti ere.

56. Artikulua.

Uren Udal Zerbitzuko pertsonalak, bere burua identifikatuta, instalazioko zati guztietara sartzea dauka, egoki eritzitako frogak egiteko.

III. KAPITULUA.

TARIFAK ETA HAIEN APLIKAZIOA

I. ATALA – Arau Orokorrak.

57. Artikulua.

Erabiltzaile bakoitzak eginiko kontsumoa Uren Udal Zerbitzuak fakturatuko du kontsumoari dagokion aldirian indarrean dauden tarifak aplikatuz.

58. Artikulua.

Tarifen kopuruak ezarri beharko dira Erregelamendu honetako 5. artikulua aipatzen duen autofinantziaziorako bidea emanez. Edozein kasutan behar ez diren kontsumoak galerazi beharko dituzte eta hornikuntzaren erabilera egokia bermatu.

59. Artikulua.

Tarifak zerbitzuaren iraupenaren arabera izango dira.

Kuota finko bat ezar daiteke, ur kontsumo jakin baterako eskubidea emango duena, haren eraginkortasunak aparte.

60. Artikulua.

Tarifak Erregelamendu honetako Eranskin gisa azalduko dira eta hura kontutan hartu gabe aldatuak izan daitezke, indarrean dauden lege xedapenek erabakitzen duten prozedura erabiliz.

61. Artikulua.

Ur hornikuntzari dagokion zenbatekoaren fakturazioa hiruhilabetero egingo zaio erabiltzaileari.

62. Artikulua.

Kuota finkoa dagoen erabilera modalitateetan dagokion hiruhilabetekoaren barruan fakturatuko da. Kontsumo gehiegizkoak behin kontrola eginez gero fakturatuko dira.

63. Artikulua.

Uren Udal Zerbitzuak inoiz ez du likidaziorik egingo ezarritako alditik kanpo.

Erabiltzaileak hala eskaturik kontagailuaren irakurketa apartekoak egin daitezke. Kasu honetan neurketaren ziurtagiriak emango dira eta horrek dagozkion tasen debengoa ekarriko du.

64. Artikulua.

Ordainketa modua eta prozedura Zerga Bilketari buruzko Erregelamenduari egokituko zaizkio.

II. ATALA – Tarifen aplikazioa

65. Artikulua.

Etxeko eta industriako erabileretan kontsumitutako ur bolumenen fakturazioa hiruhilabeteko kuota finko baten oinarriaren gainean gauzatuko da, ur hornikuntza baterako eskubidea emango duena, indarrean dauden tarifen arabera. Kontsumo gehiegizkoak indarrean dauden tarifen arabera dagozkion prezioaren arabera fakturatuko dira.

66. Artikulua.

Edifizioetarako hornikuntzetan, harpidetza poliza bakarraren babespean erabiltzaile bati baino gehiagori dagozkionean, fakturazio modu berbera aplikatuko da, nahiz eta hiruhilabeteko kuota finkoa inmueleko etxebizitza edo zerbitzu kopurua haiei dagozkien kuotarekin biderkatzearen erresultadua izango den.

67. Artikulua.

Erabilera bereziei dagozkien ur kontsumoak indarrean dauden tarifen arabera fakturatuko dira.

Erregelamendu honen arabera onartutako konbenio, emanaldi eta abarren kasuan, beraietan adierazitako baldintzei eta aplikatzekoak diren tarifei jarraituko zaie.

IV. KAPITULUA

ERREGIMEN JURIDIKOA

68. Artikulua.

Uren Udal Zerbitzuak erabiltzaileak ahalik eta ondoen eta azkarren atendituko ditu, uneoro populazioaren beharrei erantzuten saiatuz, ur hornikuntza arazoak betez eta erabiltzaileei informatuz, beharrezko eta komenigarri denean, zerbitzuaren garapenak, beharrezkoak eta akatsez, hura hobetu eta konpontzeko irtenbideak eta baliapideak adieraziz.

69. Artikulua.

Erabiltzaileak ur hornikuntzako instalazioak arrazionalki eta zuzen erabiltzeko obligazioa dauka, gainerako erabiltzaileei kalteak eragotziz.

70. Artikulua.

Uren Udal Zerbitzuaren erabiltzaile orok Zerbitzuko bulegoetan ahoz nahiz idatziz egoki eritzitako erreklamazioak edo iradokizunak aurkez ditzake eta horiei erantzun beharko zaie aurkezpen ordena gordez, larrialdiko egoeretan ezik.

71. Artikulua.

Hutsegite larritzat hartzen da erabiltzaileak honako egintzaren bat burutzea:

1. Erregelamendu honetako 41. artikuluan agindutakoaren arabera Zerbitzuak pasabide giltzetan eta kontagailuetan ezartzen dituen prezintoak puskatzea.
2. Kontagailuetan ibiltzea horretarako behar den baimena izan gabe, aurreko 35. artikuluan adierazten den bezala.
3. Zerbitzuari atxikiriko pertsonala ez beste inor ibili daitekeen pasabide giltzei eragitea, Erregelamendu honetako 17. artikuluan adierazitakoarekin bat.
4. Instalazioetan ibiltzea, kontagailuek benetan kontsumitutako emariaren erregistroa galeraztearren.
5. Ur hartzean edo hartunean adarren bat ezartzea kontagailua baino lehenago, edo harpidetze polizan kontsignatutako ez bezalako beste lokal edo etxebizitzetara deribazioak egitea.
6. Ura hirugarrengoei hornitzea Zerbitzuaren baimenik gabe.
7. Zerbitzuari atxikiriko pertsonalari kontagailuen irakurketa egitera sartzen ez uztea, baita hartunea eta instalazioak dauden tokietara sartzea oztopatzea ere, Zerbitzuan gorabeherarik edo iruzurketarik egon daitekeela arrazoizko zantzurik dagoenean.
8. Zerbitzuan baja eman ondoren ura kontsumitzen jarraitzea.
9. Erabiltzailearen kulpaz edo utzikieriaz instalazio pribatuetan behar ez diren ur kontsumoak sortarazten dituzten akatsak edo ihesak mantentzea.
10. Erregelamendu honetako 14. artikuluan ezarritako obligazioak ez betetzea.
11. Zerbitzuaren funtzionamendu orokor normalean gorabeherak sortarazte dituzten edo sortaraz ditzaketen bestelako egintzak edo omisioak burutzea.

72. Artikulua.

Aurreko artikuluan adierazitako hutsegite larriak Alkatetzak zigortuko ditu eta dagozkion isunak ezarriko ditu Errejimen Lokalaren Legean ezarritako kopuruzko muga barruan, Administrazio Prozedura Legeko VI Tituluko II. Kapituluaren araututako prozedura instruitu ondoren, Erregelamendu honetako 12. artikuluan xedatzen duenaren kalterik gabe.

73. Artikulua.

Adierazitako isunez aparte Udalaren aldetik eskubidez dagozkion egintzak burutuko ditu, indarrean dauden Legeen arabera.

74. Artikulua.

Erabiltzailea erantzule bakarra da burututako kontsumoagatik hirugarrenei sor dakizkiekeen kalte ordainez.

75. Artikulua.

Uren Udal Zerbitzuak bere erabiltzaileei behar duten informazio guztia eskuratuko die Erregelamendu honen eta beronetako Eranskinen eduki eta aplikazioari buruz.

76. Artikulua.

Erregelamendu honetan aurrikusten ez den guztian Uren Udal Zerbitzuak Korporazio Lokaletako Zerbitzu Erregelamenduko arauak eta izaera orokorreko beste xedapen batzuk subsidiarioki aplikatuko ditu.

77. Artikulua.

Erregelamendu honetako erregulazio gaiari buruz ematen diren udal ebazpenak indarrean dagoen antolamendu juridikoan ezarritako baliabideetako errejimen orokorraren bitartez inpugna daitezke, nola administrazio bidean hala jurisdikziokoan.

AZKEN XEDAPENAK

1.- Derogaturik geratzen dira Erregelamendu honetako erregulazio gaiari buruz lehenago emanak dauden udal arau guztiak.

2.- Erregelamendu hau indarrean sartu aurretik baimenduta dauden instalazioak mantendu egin daitezke, bertan xedatutakoari egokitu behar izanik zabalketak edo aldaketak burutzen direnean.